

1.

0-16

Taodiho ya Bakone ba ga Matlala.

Ba re ba ga Matlala kgale bogologolo ba tšwa kgoro ya ntle. Ba re ke mo go nago le tsela gare ga mawatlle a mabedi. Ba re ba bogologolo ba gabo ba fitile gona. Gomme ba re ge ba tloga gona ba shika le lewatle le bohlabana tšatši eupa ga ba tsebe mo ba kileng ba dula gona.

Go fihla ge ba ikhutša Bokgaga, ka thoko ya bohlabana tšatši ga Pietersburg, gona ba dutše lebaka le le telele. Ge ba dula kgoshi ya bona e be e le Pebane. Goa tsoga moferefere e ba lehono ba sa kgonego go e laodisha. Ge ba tloga gona ba ya Borale. Ke thaba e elego magareng a Witbank le Bronkhorstspuit.

Mehleng eo gothwe ba be ba sa kopane ka moka. Ba Matlala thaba le ba Matlala a Kotole le ba ga Matlala a Lehodu le ba ga Tisana. Gwa tsoga moferefere gomme go tloga fao ba arogana. Ba ga Matlala Thaba ba tshela noka ya Moutse ba phatša Moletlane ba ya mo ba lego ntshe lehono.

2.

Gomme ba ga Matlala a Kotole le ba ga Tisana ba tsele noka ya Lepelle, ba dula Fala lefasena. Magae a tšile. Ka lebaka le lengwe ba dutše nyane. Kgoshi e le Thoke. Gape ba dutse Maditamane kgoshi e le Motagane ka morago ga Metagane e bile Rakgwadi ka morago ga Rakgwadi e bile Leswene ka morago ga Leswene e bile Ntshweng. Ka morago ga Ntshweng ke Shikwane. Ke lebakeng la Mechabo ya Motsilaketsi. Ka morago ga Shikwane kgosi e bile Lehlagare. Ka morago ga Lehlagare e bile Kotole ga ba le Lebopong le Phatametsane a latelwa ke Lekgolane. Lekgolane a latelwa ke morwa wagwe ga ba le Bonwatau Masemmule lehono Maserumule o latelwa ke Frank Shikwane Maserumule.

3.

Bophelo bya bo rra weshu mogolo e be e le go sepela mehleng ya kgale, ba be ba sa leme ba be ba phela ka dinama tša diphoofolo, ba epa mereo ka eona ba tanya diphoofolo, tše ding diphoofolo ba be ba thea melaba. Ka kgomo e ngwe ge tau e bolaile phoofolo ba bona manong, eo a boneng manong pele, ge a re tswetla eo a mo latelang le eena a re e tswetla ba dira bjalo ka go latelana oa

s126

pele ke mong oa phoofolo wa bobedi o mo fa leoto, wa boraro ke wa letsogo. Bjale ba rwala ba ya baneng, go bjalo. Ge e swerwe ke moreo goba molaba, ba swaishana. Ge ba bona tau ba hlaba mokgoshi ba re sebata kgomo, ba lwa le eona ka marumo go fihla ge ba e bolaya, ba rwele ba ba gobetseng, le tlalo le a moshate, eo a e bolaileng o fiwa kgomo ke kgoshi, ke eena mogale, go bjalo ge bahlabana le manaba ba swaishana mong ke lekoto, mong letsogo, dijo tse ding ke dinose tse ding ba amoga kgogo. Ntja gobane le eona e latisha tshetlo bjale ka motho, bogobe ke medu ya mohlopi. Ke re: Kgetha shidio.

4. Tlhabanong: Ge monna a bolaile lenaba wa mohlakola, tsohle tse a di apereng ba sega le bonna ka bjona go apewa dinama tsa dikgomo tse ba hlabiswang ke kgoshi ke gona ba swanetse go alafiwa ba re ba bolaile ditswene.

Ge koma e e tswa ba ba leileng tswene ke bona ba ba otlago masogana mo kgorong ge a e ja legala. Ga ba otlwe ke motho fela, ba otlwa ke bagale ba marumo, re be re ba bona ge re thoma go hlalefa.

ENDS. S.126.